

Праздничная Пасхальная трапеза в первый день Светлого Христова Воскресения¹

Хор (и народ), тропарь Пасхи, глас 8: Христос воскрес из мертвых, / смертию смерть поправ / и сущим во гробех живот даровав (трижды). Господи Иисусе Христе, Сыне Божий, помилуй нас, грешных.

Старший читает молитву: Господи Иисусе Христе Боже наш, по великой скорби Креста и страданий Твоих радости безмерной тридневным воскресением всех исполнивый! Благодарим Тя, яко сподобил еси ныне и нас, поприще поста совершивших, достигнути святых сих дней и радости светлаго Твоего воскресения причастниками быти. Благодарим Тя, яко по милосердию Твоему и неизреченному снисхождению к немощем нашим утешаеши нас и трапезою праздничною в подкрепление и услаждение немощной плоти. Темже молим Тя, благослови сей пасхальный хлеб, млеко огуствовшее, яйца и прочия пасхальныя снеди, наипаче сии, от нихже, повинующеся уставу Церкви, в мимошедшие дни поста воздерживались рабы Твои, да будут они вкушающим их со благодарением во здравие, в подкрепление сил телесных, в веселие и радость, да всякое довольство имуще, изобилувати будем и в дела благая, и от полноты благодарного сердца славити Тя, Воскресшаго, питающего и утешающего нас, купно же с Тобою и Безначальнаго Твоего Отца и Святаго Духа во веки веков².

Хор (и народ): Аминь.

[Старший может прочитать и другую молитву при скудной пасхальной трапезе:

Господи Иисусе Христе, Боже наш, по великой скорби Креста и страданий Твоих, радости безмерной тридневным воскресением вся исполнивый! Благодарим Тя, яко сподобил еси и нас, поприще поста совершивших, достигнути святых сих дней и радости светлаго Твоего воскресения причастниками быти. Молим Тя: благослови и освяти хлебы сии, ихже рабы Твои по скудости своей вместо пасхальных снедей уготоваша и пред Твое Святое Лице принесоша. Да будут они вкушающим их верным в сладость и утешение, и скудость трапезы да не омрачит праздничной радости людей Твоих. Светом воскресения да разсеяны будут все скорби и печали, да все и богатые и убогие, и изобилующие, и в скудости сущие славят Тя,

¹ Печатается (с некоторой редакцией) в редакции диакона Алексея Попова по следующей книге: Молитвы трапезы // Часослов для мирян: с параллельным переводом на русский язык. – М.: Общество Синхрония, 2015. С.229-234.

² «Творение святытеля Афанасия (Сахарова), исповедника, епископа Ковровского. Молитва сия может быть прочитана иереем или старейшим из присутствующих на первой праздничной трапезе вместо обычной формулы благословения» (См. Молитва на благословение пасхальных снедей // Службы Светлой седмицы. – 2-е изд. – М.: Изд-во Сретенского монастыря, 2017. С.319.).

Воскресшаго, и в скорбях отраду нам Подающаго, купно же с Тобою и Безначальнаго Твоего Отца и Святаго Духа, во веки веков.

Хор (и народ): Аминь.]

И далее хор и народ: Слава Отцу и Сыну и Святому Духу и ныне и присно и во веки веков. Аминь. Господи, помилуй (трижды). Господи, благослови.

Старший: Молитвами святых отец наших, Христе Боже, благослови ястие и питие рабом Твоим, яко свят еси всегда, ныне и присно, и во веки веков.

Хор (и народ): Аминь.

И после этого Старший восклицает: «Христос воскресе!», **а люди отвечают:** «Воистину воскресе!».

По окончании трапезы

Хор (и народ), кондак Пасхи, глас 8: Аще и во гроб снизшел еси, Безсмертне, / но адову разрушил еси силу / и воскресл еси, яко Победитель, Христе Боже, / женам мироносицам вещавый: радуйтесь! / И Твоим апостолом мир даруяй, // падшим подай воскресение.

Слава Отцу и Сыну и Святому Духу и ныне и присно и во веки веков. Аминь. Господи, помилуй (трижды). Господи, благослови.

Старший: Благословен Бог, милуяй и питаяй нас от своих богатых даров, Своею благодатию и человеколюбием, всегда, ныне и присно, и во веки веков.

Хор (и народ): Аминь.

И после этого Старший восклицает: «Христос воскресе!», **а люди отвечают:** «Воистину воскресе!».